

AGENDRE FA'ATOHARE DURIA SOMUSO DÖDÖ (MISD) BA FA'OMUSO DÖDÖ (REFORMASD) 29 SEPTEMBER 2024

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

Fangowai :

SA : Ya'ami banua Zo'aya, no sowuawua tödö ita ma'ökhö andre, ba wanörö tödö **159 Fakhe** duria so muso dödö (misi) ba Danö Niha/Resort 23/Jemaat BNKP Tuwuna Awö wamalua famohouni (reformasi). Andrö ba wa'omasi Lowalangi ma'owai ami fefu, Ya'ahowu.....

SATO : Ya'ahowu !

SA : Ya faofao khömi Lowalangi...

SATO : Ya fao Khöu Geheha-Nia

Fogaoni :

SA : Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 5**

5. SUNO YEHOWA

do = f 3/4

MM = 96 - 104

1. Suno Yehowa, Ya ' ia Zalaŵa zorugo.

Tödögu suno Yehowa sokhö fa ' ebua.

Mi' ae manö niha sato sanunö. Da' ö zomasi Yehowa.

2. Suno Yehowa, Ya' ia zomböi si so fefu.

Me Irorogö mbotoda awö wa' aurida.

Ibe' e na wa' omuso dödöda, andrö da tasuno Ia.

2. FANGA'ARO'Ö WA'OWULO (VOTUM)

SA : Da tahonogö dödöda ba wariawösa, ba ba wa hasambua khö Lowalangi, (Muzizio zato):

No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....

SATO : YADUHU

SA : Ha lö omasi'ö ba hili gawe zanuriagö fa'omuso dödö, sangombakha fa'atulö, solohe turia somuso dödö, sangombakha fangorifi, sanguma'ö ba mbanua Ziona andrö:" Razo Lowalangiu andrö !" **HALELUYA.....**

SA : **Manunö** : BZ. : 452

Haleluya..... Haleluya..... Haleluya.....

3. Fombaso Waöwaö Wa'atohare Duria Somuso Dödö Ba BNKP Jemaat Tuwuna, Resort 23, Nifa'ema Bpk. Ketua BPMJ

SA : Mangandrö ita :

He Lowalangi, Ama khöma si so ba zorugo, ma'andrö saohagölö khö-U, me no Öfahowu'ö mbanua irugi ma'ökhö, itörö tödöma 159 fakhe meno tohare khöma duria wangorifi ba khö Yesu Keriso. Ma'andrö Khö-U, amualagö khöma Geheha sanolo sangabölö'ö ya'aga, ena'ö itugu mowa'a , tedou ba mowua ndra'aga ba daroma Li-Mö andrö, ba ya si lö mamalömalö ndra'aga wamalua famohouni si faudu ba zomasi Ndra'ugö. Böi faröi khöma ena'ö tola ma fowua howuhowu

andrö si no matema, ya'ia na tobali ndra'aga solohe howuhowu ba guli danö andre. Fahowu'ö wa owulo mbanua-U ma'ökhö andre, ena'ö sowuawua tödö ba si hasara tödö ndra'aga fefu ba wamolakhömi Ya'ugö, ena'ö tobali ndra'aga iraono-U ba sanema ondröita. Hagaini dödöma ba tuturu lala ndra talifusöma sangaröu'ö ya'ira ena'ö la'ondrasi Ndra'ugö. Ba döi Zo'aya ya'aga Yesu Keriso, Yaduhu.. **(Mudadao zato)**

4. **MANUNÖ moroi ba Mbuku Zinunö Numero 234**

234. YESU ZANGUMA' Ö

Lala : Kubalogu Yesu (No. 300)

do = a 4/4

MM = 96 - 104

1. Yesu zanguma ' ö, khö ndra nifahaö.
No Ya' odo haga, si lö mamalö.
Solo ' ö Ya ' odo mohaga dödö .
Ba ogömi dödö zi lö molo ' ö.
2. Faduhu dödöma, Yesu ba li-Mö.
Öhagaini dödö zamati khö-Mö.
Fa oroma horö ba si ra' iö.
Afu ma' ondrasi gahe röfa-Mö.

5. **FOMBASO TAROMA LI LOWALANGI FAMÖRÖGÖ (AF)**

: Da tafondrondrongo daroma Li Lowalangi, tehalö moroi ba zura **Zefania 3:14-20**

14. **A'iki, ya'ugö ono Ziona alawe, mi'owuawua'ö dödömi, ya'ami Iraono Gizeraëli! Omusoi'ö dödöu, ba a'iki, moroi si'aikö ba dödöu, ya'ugö ono Yeruzalema alawe!**
15. **No iböda wangotu'ö ya'ugö Yehowa, no itimba nemalimö andrö! No so ba khömi razo Ndraono Gizeraëli andrö, Yehowa: lö'ö sa'ae itörö ndra'ugö si lö sökhi.**
16. **Ba na luo da'ö, ba lamane ba mbanua Yeruzalema: Böi mibusi dödömi! Böi adada dangami, ya'ami Siona!**
17. **No so ba khömi Lowalangimi Yehowa, sabölö; möna ami ibe'e. Omuso dödönia ndra'ugö, owuawua dödö; lö hedehedenia, ba wa'omasinia andrö; ma'iki ia, owuawua dödönia ndra'ugö.**
18. **Sabu tödö andrö, me lö lakhamö gowasa, ba u'ozaragö, no iwami ira, ba no tohare wa'aila.**
19. **Ba na luo da'ö, ba ulau ba zamakao ya'ugö, fefu; ba u'orifi zi no mangohole'ö ya'ira ba u'ozaragö zi no muzaewe, ba ubali'ö fanuno ya'ira ba fangebua döira wa'ailara andrö, ba guli danö ma'asagörö.**
20. **Na luo da'ö, ba u'ohe mangawuli ami, na luo u'ozaragö ami. Ubali'ö nisuno sa'ae ami ba sebua töi, ba niha ba guli danö fefu, na ufuli utolo ami, ba zanehe ami, iwa'ö Yehowa.**

Simanö daroma Li Lowalangi, da tatema'ö faoma sinunö: BZ.Numero 20:1

BZ. No: 20. MISUNOSUNO ZO'AYA

1. Misunosuno Zo 'aya, mi bè zumange-Nia.
Mi 'ebua ' ö döi-Nia, sotöi banua-Nia.
Me no Ikaoni göi ami, afu mitemawa'au ri, khö Yesu, Sangorifi.

6. **FANGANDRÖ FANGEFA HORÖ**

SA : Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita,

awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

He Yehowa Lowalangi, si so ba Zorugo yawa. Aboto ba dödöma So'aya, föna wa lö tohare Duria somuso dödö, ba no i'u'uni ndra'aga fa'ogömigömi. Ba börö wa'omasi-Mö no Öfatenge zolohe turia Somuso dödö, turia wangefa ba khö Yesu Keriso. No Öheta ndra'aga ba zogömigömi, ba no'öhe ba haga. Ba hiza asese faröi ndra'aga ba lala haga andrö khö-U. Mafaduhu'ö wa tenga sinangea ndra'aga tanö föna-Mö, me no fahöna horö si no mafalua i'otarai iraono ndra'aga irugi ma'ökhö, he ba wehedema, era'era dödöma, awö gamuatama si lö faudu ba doroma Li-Mö. Andrö möiga khö-U ba wangandrö fa'ahakhö dödö-U, ena'ö Ö'efa'ö khöma horöma andrö, si no mafalua, irege sohahau tödö ndra'aga wanohugö fekolima ba zi so fönama si faudu ba zomasi Ndra'ugö. Hakhösi dödö-U khöma, ba be'e aefa khöma horöma andrö ma'afefu, Yaduhu.

SATO : Manunö : BZ. Numero 224 : 1

224. NA'UBINI'Ö HORÖGU KHÖ YESU

1. Na'ibini'ö horögu khö Yesu, ba lö usöndra za hono dödögu U'ombakha'ö ngawalö horögu, mo lala dödö.

SA : **Turia Wangefa horö** : “Uröi khömi wa'ohahau dödö, fa'ohahau dödö khö-Gu Ube'e khömi. Bö'ö ni be'e niha guli danö, bö'ö nibe'e-Gu. Böi abu dödömi ba böi ata'u ami.

LAKHÖMI KHÖ LOWALANGI SI YAWA.....

SATO : Manunö:

450. BA FA'ATULÖ BA GULIDANÖ

1. Ba fa'a tulö ba gulidanö ba niha ni'omasi 'ö andrö
(mudadao zato)

7. FOMBASO TAROMA LI LOWALANGI FÖNA HUHÜO (AB)

: Da tafondrondrongo daroma Li Lowalangi, tehalö moroi ba Zura **Matai'ö 28:18-20**

18. Ba i'ondrasi ira Yesu, humede ia khöra, imane: Fefu wa'abölö andrö ba zorugo ba ba guli danö, ba no mube'e khögu.

19. Mi'ae'e, mibali'ö nifahaö fefu soi, wamayagö idanö ya'ira ba dôi Nama ba ba dôi Nono ba ba dôi Geheha ni'amoni'ö;

20. mifahaö ira ba wolo'ö fefu hadia ia niwa'ögu khömi. Ba hiza, fao khömi ndra'o, ero ma'ökhö, irugi gamozua götö danö andrö.

Ya'ahowu zamondrongo taroma li Lowalangi ba same'e ba dödö.

SA+SATO : Yaduhu

8. FASÖMBATA

SA : Iada'e tebe'e khöda ginötö ba wolohe fasömbata khö Lowalangi. Ta'osamuzaigö wame'e, he fasömbata si föföna, ba simanö göi zi mendrua awö zi medölu sifao fangowuloi fasömbata Sanandrosa ba Komisi Diakonia. Ba si föföna ua da tafondrondrongo Li Lowalangi me imane:

- ❖ Same'e sumange fangandrö saohagölö, da'ö zamolakhömi Ya'odo, ba zi lö sinegu ba mbuabuania U'oroma'ö wangorifi andrö khö Lowalangi.

SA : Tafafa'ema wasömbata khö Lowalangi, manunö ita moroi ba Mbuku Zinunö **Numero 135**

135. HALÖWÖMÖ NIHALÖMA ¹

do = g 4/4

MM = 88 - 96

1. Halöwö-Mö, nihalöma Keriso So ' aya.
Ba we ' amöi enoni-Mö, lö aekhu gölöma.
Da faoga wamaduhu ' ö, halöwö nifalua-Mö.
Fangöhöli, fangatulö, z ino sawuyu ba horö
ya dozi möi, ira banua - Mö.
2. He Yesu sondrönia' ö, wanaögö safökhö.
Da möiga göi enoni-Mö, wanara lahe-Mö.
Be' e khöma Geheha-Mö, same' e fa' anau gölö.
Afu a' ozu makhamö, wefao amatöröwa-Mö,
ba zorugo, so' ahonoa dödö.
3. No amaedola gultö, nitaru ba nowi.
Na lö itörö wa' obou lö ifuli auri.
Si manö Ndra' ugö Yesu, ba wolohe fangorifi.
Si mate börö horöma, maoso nisuusugi Nama.
Fa' auri-Mö, zi möi fa' aurima.
4. Me lö na sanahae Yesu no Ibè goröisa.
We' amöi manuriaigö taroma li-Nia.
Ma' andrö bè wa' abölö dozigö zamati khö-Mö.
Da möiga maturiaigö duria somuso dödö.
Duhu duhu Yesu zangatulö.

Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö (irama lagu).Fatua lö möi ira wolohe föna, ba imane Sangai Agendre:)

“Da tafasao wasömbatada andre föna Lowalangi, Manunö ita moroi ba Mbuku Zinunö numero 261

261. YA'E ZUMANGE ¹*Ira'alawe*

1. Ya ' e zumange fasömbata, ma ' ohe sumange Yehowa.

*Iramatua**Reff*

- Ma'andrö khö-U fahowu'ö zumange ni 'ohema khö-Mö
2. Ya'e zumange fasömbata mabe'e soroi ba dödöma.
Reff: Ma'andrö khö-U
3. Ya'e zumange fasömbata buala si'otarai Nama.
Reff: Ma'andrö khö-U
4. Ya'e zumange fasömbata, boto, noso, ba fa'aurima
Reff: Ma'andrö khö-U
5. Ya'e zumange fasömbata, lö irugi zomasi dödö-U.
Reff: Ma'andrö khö-U
6. Ya'e zumange fasömbata, ma'aghasi gölö Zo'aya.
Reff: Ma'andrö khö-U

9. KOOR/VOKAL GROUP

- SA : Da tafaogö dödöda ba wanuno Lowalangi faoma sinunö ni'olohesi Koor ba Vokal Group:
- a. Koor Jemaat
 - b. Vokal Group Koremda
 - c. Kegiatan Sektor 1 (Koor/Vokal Group)

- d. Koor Komisi Perempuan
e.

**10. MANUNÖ
SA**

- : Da tafa'anö dödöda wamondrongo taroma Li Lowalangi, manunö ita moroi Ba Mbuku Zinunö **numero 163**

163. UHONOGÖ SIBAI DÖDÖGU

1. Uhonogö sibai dödögu ba wamondrongo li Mö Yesu Mangalulu ndra'odo föna-U ba gametahö-Mö ia da 'a Öbayoini Eheha-U Yesu dozigö mbanua samati khö-U. Ubokai dödögu khö-U Yesu nahia daroma li-U. Taroma li-Mö lö fa'atebulö menewi ma 'ökhö ba si 'ogötö'ö lö sa mamalö. Taroma li-Mö si möi fangabölö utema 'ö soroi ba dödö, tolo ba wolo'ö.

**11. HUHUA SEBUA
SH**

- : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.
- a. Fombaso taroma Li Lowalangi *II Timoteo / 2 Timotius 4:1-5 (Tuho Migu : Böi Famalö Wanuriaigö Taromali Lowalangi / Siap Sedia Memberitakan Firman Tuhan)*
- b. Fanuriaigö
- c. Nitanö ba dödö. *II Timoteo / 2 Timotius 4:2a (Ombakha'ö daroma li, böi bul'ögö, he bawa, ba he tenga bawa. / Beritakanlah firman, siap sedialah baik atau tidak baik waktunya.)*
- d. Fangandrö Fanga'aro'ö huhuo

SATO : Manunö : BZ. Numero 154 : 1

154. NO MAFONDRONGO LIU

1. No mafondrongo li-U, Lowalangi So 'aya. Tanö ba dödöma ia, fa böi olifuga. Fahowu 'ö ia khöma, ena 'ö ohahau dödöma fefu. Heta ba dödö zi lö sökhi, ma'o 'ö niwa 'ö-U.

**12. TUHO WAMATI
SA**

- : Me notarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

SA+SATO

- : ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
- ❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
- ❖ Ya'o mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

13. ANGOMBAKHATA BA MBANUA NIHA KERISO

SA : Da tafondrongo gangombakhata:.....

MANUNÖ

SA : Manunö ita moroi ba Mbuku Zinunö **numero: 472 ayati 1-2**
472. DA MÖI ITA MOHALÖWÖ

do = g 4/4

MM = 96 - 104

1. Da ta' onorogö tödö wangombakha turia.
 Turia somuso dödö soroi Lowalagida.
 Da möi ita mohalöwö ba mbasitö Zo' aya.
 ba da ' ö tekaoni ita möi enoni Zo' aya.
2. Wa' ato ndra talifusö, si lö irugi haga.
 No balunö hörö dödö, no iba' a afökha.
 Da tafazaewe danömö, taromali Zo' aya.
 Afu mo'wa' a ba dödö, wamati khö Zo' aya.

14. FANGANDRÖ SALAHI + FAMATENGE + HOWUHOWU

SH : Muzizio ita fefu, mangandrö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

SH + SATO : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatörö banua-U, ba sokhö fa'abölö, awö lakhömi, irugi zi lö aetu. Yaduhu

SH : **FAMATENGE + HOWUHOWU :**
 Mi'angawuli si fao fa'ohahau dödö, ya tobali ami sura Keriso, samaduhu'ö Ya'Ia ba Lala wa'aurimi sero ma'ökhö, ba mitema (tatema) howuhowu Lowalangi :
 ❖ Ya mufahowu'ö ami/ita Lowalangi, Ya murorogö ami/ita
 ❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/Khöda
 ❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

SATO : Manunö BZ.Numero **472 ayati 3**
472. DA MÖI ITA MOHALÖWÖ

do = g 4/4

MM = 96 - 104

3. Möi ita taturiaigö, daroma li Zo' aya.
 He akao, he agafökhö, böi tafatou de' ala.
 Ta' oigö dödö wolo' ö, me oroisa Zo' aya.
 Me fa' auri nitemada ba luu safuria.

SH : YA'AHOWU

SATO : YA'AHOWU